

Judith Hendry-Bläsi, Sedrun, 1951-1997



Ils 19 d'uost 1997. Il zenn da miert annunzia la mort prematura da Judith Hendry. Suenter liunga e greva malsogna eis ella sedurmentada. Judith ei naschida ad Obervaz, ils 2 d'avrel 1951. Ella ei stada il secun da affonda diesch dalla famiglia Augustin Bläsi e Tildi Hartmann. Sia affonza e temps da giuventetgna el ravugl d'ina ventireivla famiglia ei stada accumpagnada da cant e musica. Insumma ha il cannt e musica giugau ina gronda rolla ella veta dalla Judith. Suenter las scolas dil vitg frequenta ella il seminari da scolast a Cuera e termineschia quel igl onn 1972 cun la patenta da scolasta primara e surpren ina piazza a Sedrun.

Igl onn 1974 marida ella Beni Hendry da Sedrun. Duas feglas ein il grond plascher. Suenter entgins onns d' instrucziun banduna ella la casa da scola per sededicar alla famiglia. Entras ina scolaziun supplementara el rom da terapeuta da legastenia segida ella culs affons che han sias breigias el lungatg. Dasperas s'engascha ella sco ferventa cantadura el Chor mischedau ed el quartet dubel Resuns dil Rein.

Avon entgins onns s' annunzia ina maligna malsogna. Oraziun e cardientscha ed ina nunstunclenteivla speranza dattan alla Judith la forza da purtar quella greva crusch. Cun admirabla forza ha ella purtau la malsogna, sustenida dils ses, d'amitgs ed enconuschents. Entras la mort prematura ha ella anfla pasch e ruaus; ella sto buca pli batter